

欽定四庫全書

蘇詩補註 卷四十五

翰林院編修查慎行撰

琳長老原作

扁舟駕蘭陵，自援舊風日。
君家有天人，雄雄維摩詰。
我口吞文殊，千里來問疾。
若以默相酬，露柱皆笑出。

答徑山琳長老

與君皆丙子，各已三萬日。
一日一千偈，電往那容詰。
大患緣有身，無身則無疾。
平生笑羅什，神咒真浪出。

琳長老

《本集雜記》云：徑山長老惟琳，行峻而通，文清而麗。始徑山祖師有約，止以甲乙住持，予謂以適事之宜，而廢祖師之約，當于山門選用有德，乃以琳嗣事。